

Kirchliches Verordnungs-Blatt

für die

Lavanter Diöcese.

Inhalt. 28. Litterae encyclicae Pii PP. X. de saeculariis sollemniis anni MCCC ab Gregorii PP. I. obitu. — 29. Litterae apostolicae Pii PP. X. de academicis in sacra scriptura gradibus a Commissione biblica conferendis. — 30. Pius X. über das Radfahren. —

31. Bekanntgabe der Konservatoren für das Jahr 1904. — 32. In Versicherungs-Angelegenheiten. — 33. Empfehlung der Bestrebungen des Tier-schutzvereins. — 34. Literatur. — 35. Pfarrer A. Dvorsak'sche Stiftung. — 36. Diöcesan-Nachrichten.

28.

Litterae encyclicae Pii PP. X. de saeculariis sollemniis anni millesimi tercentesimi ab Gregorii PP. I obitu.

VENERABILIBVS FRATRIBVS
PATRIARCHIS PRIMATIBVS ARCHIEPISCOPIBVS
EPISCOPIBVS ALIISQUE LOCORVM ORDINARIIS
PACEM ET COMMVNIONEM CVM APOSTOLICA SEDE
HABENTIBVS

PIUS PP. X.

Venerabiles Fratres

Salutem et Apostolicam Benedictionem.

Iucunda sane accidit recordatio, Venerabiles Fratres, magni et *incomparabilis viri*,¹ Gregorii Pontificis huius nominis primi, cuius, vertente anno millesimo tercentesimo ab eius obitu saecularia sollemnia celebraturi sumus. Nec absque singulari Dei providentia, qui *mortificat et vivificat* . . . , *humiliat et sublevat*,² factum esse arbitramur, ut, inter, apostolici ministerii Nostri paene innumerabiles curas, inter tot animi anxietates ob plurima eaque gravissima, quae universae Ecclesiae per Nos regendae debemus, inter sollicitudines quibus premimur, ut et vobis, Venerabiles Fratres, in apostolatus Nostri partem vocatis, et fidelibus omnibus curae Nostrae commissis quam optime satisfiat, vel a Nostri summi Pontificatus exordiis, in sanctissimum hunc et illustrem Decessorem, Ecclesiae decus atque ornamentum, oculorum aciem converteremus. Erigitur quippe animus ad magnam fiduciam in eius patrocinio penes Deum validissimo, et eorum, sive quae sublimi magisterio praecepit, sive quae sancte gessit, memoriâ recreatur. Quod si ipse et praeceptorum vi et fecunditate virtutum in Ecclesia Dei tam ampla, tam alta, tam firma vestigia signavit, ut iure ab aequalibus et a posteris *Magni* nomen sit consequutus, apteturque illi vel hodie,

tot saeculorum intervallo, ipsius inscripta sepulcro laudatio: *innumeris semper vivit ubique bonis*,¹ fieri profecto non potest, ut admiranda illius exempla sectantibus, divina opitulante gratia, non liceat, quantum humana sinit infirmitas, sua officia tueri.

Ea persequi vix opus est quae ex historiae monumentis nota sunt omnibus. Summa erat publicarum rerum perturbatio quo tempore supremum inivit pontificatum Gregorius; extincta prope vetus humanitas, romani ruentis imperii dominatus omnes barbaries invaserat. Italia vero, a Byzantinis imperatoribus derelicta, facta fere Langobardorum praeda fuerat, qui, suis nondum compositis rebus, huc illuc excurrebant, omnia ferro flammâque vastantes, luctu omnia caedibusque complentes. Haec ipsa Urbs, minis hostium exterius perculsa, interius afflicta pestilentia, eluvionibus, fame, eo miseriae devenerat, ut iam procurandae incolumitatis, non modo civium, sed confertae multitudinis se intus propipientis, ratio nulla suppeteret. Cernere namque erat sexus omnis et conditionis homines, episcopos, sacerdotes sacra vasa rapinis erepta portantes, religiosos viros, intemeratas Christi sponsas, fuga se, vel ab inimicorum gladiis, vel a perditorum hominum turpi violentia subducere. Romae autem Ecclesiam ipse Gregorius appellat: *vetustam navim vehementerque confractam* . . . *undique enim fluctus intrant, et quotidiana ac valida tempestate quassatae putridae naufragium tabulae sonant*.² At quem Deus suscitaverat nauta manu pollebat, et clavo tractando praepositus, non modo inter aestuantes procellas ad portum appellere, sed navim a futuris tempestatibus praestare tutam valuit.

Ac mirum quidem quantum ipse perficit spatio regiminis annorum vix supra tredecim. Extitit enim christianae

¹ *Martyrol. Rom.* 3 sept.

² *1 Regum* II, 6, 7.

¹ Apud Ioann. Diac., *Vita Greg.* IV, 68.

² *Registrum* I, 4 ad Ioann. episcop. Constantinop.

vitae instaurator universae, excitans pietatem fidelium, observantiam monachorum, cleri disciplinam, sacrorum antistitum pastorem sollicitudinem. *Prudentissimus paterfamilias Christi*,¹ Ecclesiae patrimonia custodivit, adauxit, egenti populo, christianae societati et singulis ecclesiis, pro sua cuique necessitate, large copioseque suppeditans. Vere *Dei consul factus*,² actuosae voluntatis fecunditatem ultra Urbis moenia porrexit, totamque in bonum consortii civilis impendit. Byzantinorum imperatorum iniustis postulationibus restitit fortiter; exarcharum et imperialium administratorum fregit audaciam, sordidamque avaritiam coercuit, publicus iustitiae socialis adsertor. Langobardorum ferociam mitigavit, minime veritus ad portas Urbis obviam ire Agilulfo, ut ipsum ab ea obsidione dimoveret, quod idem cum Attila Leo Magnus pontifex egerat; nec a precibus blandisque suasionibus, aut ab agendo sagaciter ante destitit, quam formidatam eam gentem tandem aliquando pacatam vidit, aequiore reipublicae forma constituta, eandemque catholicae fidei aditam, operâ in primis pia reginae Theodolindae, in Christo filiae suae. Quare Gregorius iure sibi vindicat nomen servatoris et liberatoris Italiae, huius nempe terrae, quam ipse suaviter vocat *suam*.³ Pastoralibus eius, nunquam intermissis curis, in Italiae, in Africa errorum reliquiae exstinguuntur, Ecclesiae res ordinantur in Galliis, Visigoti in Hispaniis inchoatae conversionis incrementa suscipiunt, Britannorum inelyta gens, quae, *dum in mundi angulo posita in cultu lignorum ac lapidum perfida nunc usque remaneret*,⁴ et ipsa ad veracem Christi fidem accedit. Cuius tam pretiosae acquisitionis accepto nuntio Gregorius eo gaudio perfunditur, quo carissimi filii complexu pater, Iesu Servatori accepta referens omnia, *cuius amore*, inquit ipse, *in Britannia fratres quaerimus, quos ignorabamus; cuius munere, quos nescientes quaerebamus, invenimus*.⁵ Ea vero gens adeo se memorem Pontifici sancto probavit, ut ipsum usque appellaret: *magistrum nostrum, Apostolicum nostrum, Papam nostrum, Gregorium nostrum*, seque tamquam sigillum apostolatus eius existimarit. Denique tanta in ipso fuit operae vis, tanta salubritas, ut rerum ab eo gestarum memoria alte insederit in animis posterorum, media aetate potissimum, quae spiritum quodammodo ab eodem infusum ducebat, eius verbo quasi alimentum trahebat, eius ad exempla vitam moresque conformabat, succedente feliciter in orbe terrarum christianae societatis humanitate adversus romanam, quae, saeculorum emensa cursum, esse omnino desierat.

¹ Ioann. Diac., *Vita Greg.*, II, 51.

² *Inscr. sepulcr.*

³ *Registr.* V, 36 (40) ad Mauricium Aug.

⁴ *Ibid.* VIII, 29 (30) ad Eulog. episcop. Alexandr.

⁵ *Ibid.* XI, 36 (28) ad Augustin. Anglorum episcop.

Haec mutatio dexteræ excelsi! Ac vere quidem affirmare licet, sic persuasum fuisse Gregorio, non aliam nisi Dei manum talia patrasse. His enim verbis de Britanniae conversione sanctissimum monachum Augustinum affatur, quae sane de ceteris omnibus in ministerio apostolico ab ipso gestis intelligi possunt. *Cuius opus hoc est*, inquit, *nisi eius qui ait: Pater meus usque nunc operatur et ego operor?*¹ *Qui ut mundum ostenderet, non sapientia hominum, sed sua se virtute convertere, praedicatores suos, quos in mundum misit, sine litteris elegit; hoc etiam modo faciens, quia in Anglorum gente fortia dignatus est per infirmos operari.*² Equidem Nos minime latent, quae sancti Pontificis oculis, de se abiecte sentientis, omnino fugiebant, et rerum gerendarum peritia, et in coeptis ad exitum perducendis ingenium sagax, et in rebus disponendis mira prudentia, et sedula vigilantia et non intermissa sollicitudo. At compertum pariter est, ipsum, non qua huius mundi principes, vi et potentia fuisse progressum, qui in altissimo illo pontificiae dignitatis fastigio primus voluerit appellari: *Servus servorum Dei*, non profana tantum scientia aut *persuasibilibus humanae sapientiae verbis*³ viam sibi munivisse, non prudentiae tantum civilis consiliis, non instaurandae societatis rationibus diuturno studio praeparatis ac deinde in rem deductis, non denique, quod admirationem habet, mente concepto sibi propositum vasto aliquo tramite, in apostolico ministerio sensim percurrendo; quum contra, ut notum est, in ea esset cogitatione defixus, qua putaret imminere mundi finem, adeoque modicum tempus reliquum esse ad grandia facinora. Gracili admodum et infirmo corpore, diuturnis afflictatus morbis, ad extremum saepe vitae discrimen, incredibili tamen pollebat animi vi, cui nova semper alimenta suppeditabat vivida fides in Christi verbo certissimo in eiusque divinis promissis. Maximam quoque fiduciam collocabat in collata divinitus Ecclesiae vi, qua ipse rite posset suo in terris fungi ministerio.

Quare hoc illi propositum in omni vita fuit, quale singula dicta eius factaque comprobant, ut eandem fidem ac fiduciam et in se ipse foveret et in aliis vehementer excitaret, dumque supremus sibi dies adveniret, quantum hic et nunc liceret, optima quaeque sectaretur.

Inde sancti viri firma voluntas in communem salutem derivandi uberrimam illam caelestium donorum copiam, qua Deus Ecclesiam ditavit, cuiusmodi sunt et revelatae doctrinae certissima veritas, et eiusdem, qua patet orbis, efficax praedicatio, et sacramenta, quae vim habent sive infundendi sive augendi animae vitam, ac denique, superni praesidii auspex, gratia precum in Christi nomine.

¹ Ioann. V, 17.

² *Registr.* XI, 36 (28).

³ *1 Cor.* II, 4.

Harum rerum recordatio, Venerabiles Fratres, mire Nos recreat. Qui si ex hoc Vaticanorum vertice moenium circumspicimus, eodem quo Gregorius, ac maiore fortasse metu vacare non possumus; tot undique coactae tempestates incumbunt, tot premunt hostium instructae phalanges; adeoque sumus humano quovis praesidio destituti, ut nec illas propulsandi nec horum impetum sustinendi ratio suppetat. Verum reputantes Nostri ubi sistant pedes, quo loco sit pontificia haec Sedes constituta, in arce Ecclesiae sanctae tuto Nos esse sentimus. *Quis enim nesciat, ita Gregorius ad Eulogium patriarcham Alexandrinum, sanctam Ecclesiam in Apostolorum principis soliditate firmatam, qui firmitatem mentis traxit in nomine, ut Petrus a petra vocaretur?*¹ Divina Ecclesiae vis nullo temporis decursu excidit, neque Christi promissa expectationem fefellerunt; ea sic perseverant, quemadmodum Gregorii animum erexere; quin etiam ex tot saeculorum comprobatione, ex tanta rerum vicissitudine multo Nobis validius roborantur.

Regna, imperia dilapsa; sui famâ nominis et humanitatis laude florentissimae gentes occiderunt; saepe, quasi senio confectae, ipsae se nationes diremerunt. At Ecclesia, suapte natura non deficiens, nexu nunquam dissolvendo cum caelesti Sponsa coniuncta, heic non caduco flore viget iuventutis, eodem instructa robore quo prodiit e transosso Christi corde in cruce iam mortui. Potentes in terris adversus eam sese extulerunt. Evanuere hi, sed illa superfuit. Philosophandi vias pene infinita varietate excogitarunt magistri de se gloriose praedicantes, quasi Ecclesiae doctrinam tandem aliquando expugnassent, fidei capita refellissent, eius magisterium omne absurdum demonstrassent. Eas tamen historia, singulas oblitteratas recenset funditusque deletas; quum interea lux veritatis ex arce Petri eodem fulgore coruscet, quem Iesus ortu suo excitavit aluitque divina sententia: *caelum et terra transibunt, verba autem mea non praeteribunt.*²

Hac Nos fide alti, hac petra solidati, dum sacri principatus munia omnia gravissima, simulque manantem divinitus vigorem animo sensuque percipimus, tranquilli expectamus quoad voces conticescant tot obstrepentium, actum esse de catholica Ecclesia, eius doctrinas aeternum cecidisse; brevi eo deventuram, ut cogatur aut scientiae atque humanitatis Deum reiicientis placita excipere aut ab hominum consortio demigrare. Inter haec tamen facere non possumus quin cum ipso Gregorio in mentem omnium, sive procerum sive inferiorum, revocemus, quanta cogat necessitas ad Ecclesiam confugere, per quam detur et sempiternae salutis, et paci atque ipsi terrestri huius vitae prosperitati consulere.

Quamobrem, ut sancti Pontificis utamur verbis, *mentis gressus in eius petrae soliditate, sicut coepistis, dirigite, in qua Redemptorem nostrum per totum mundum fundasse nostis Ecclesiam, quatenus recta sinceri cordis vestigia in devio itinere non offendant.*¹ Sola Ecclesiae caritas et cum ipsa coniunctio *divisa unit, confusa ordinat, inaequalia sociat, imperfecta consummat.*² Retinendum firmiter, *neminem recte posse terrena regere, nisi noverit divina tractare, pacemque reipublicae ex universalis Ecclesiae pace pendere.*³ Hinc summa necessitas perfectae concordiae inter ecclesiasticam et civilem potestatem, quam utramque Dei providentia voluit mutuâ sese ope iuvare. *Ad hoc enim potestas . . . super omnes homines caelitus data est, ut qui bona appetunt adiuventur, ut caelorum via largius pateat, ut terrestre regnum caelesti regno famuletur.*⁴

Ex hisce principiis invicta illa Gregorii fortitudo manabat, quam, opitulante Deo, imitari curabimus, Nobis proponentes modis omnibus, sarta tectaque iura et privilegia tueri, quorum Pontificatus romanus custos ac vindex est, coram Deo et coram hominibus. Quare idem Gregorius ad patriarchas Alexandriae atque Antiochia, quum de iuribus agatur Ecclesiae universae, *etiam moriendo, scribit, debemus ostendere, quia in damno generalitatis nostrum specialiter aliquid non amamus.*⁵ Ad Mauricium autem Augustum: *Qui contra omnipotentem Dominum per inanis gloriae tumorem atque contra statuta Patrum sua cervicem erigit, in omnipotenti Domino confido, quia meam sibi nec cum gladiis flectit.*⁶ Atque ad Sabinianum diaconum: *Ante paratior sum mori, quam beati Petri apostoli Ecclesiam meis diebus degenerare, mores autem meos bene cognitos habes, quia diu porto; sed si semel deliberavero non portare, contra omnia pericula laetus vado.*⁷

Eiusmodi edebat Gregorius pontifex potissima monita, erantque dicto audientes ii quibus ea nuntiabantur. Ita, dociles aures praebentibus quum principibus tum populis, mundus verae salutis repetebat iter, et ad humanitatem grassabatur eo nobiliorem ac fecundiorum quo firmioribus, innixam fundamentis ad rectum usum rationis et ad morum disciplinam, vim hauriens omnem a divinitus revelata doctrina et ab evangelii praeceptis.

Sed eo tempore populi, etsi rudes, inculti atque omnis humanitatis expertes, erant vitae appetentes; hac autem donari a nemine poterant nisi a Christo per Ecclesiam; *Ego veni ut vitam habeant et abundantius habeant.*⁸ Habue-

¹ Registr. VII, 37 (40).

² Matth. XXIV, 35.

¹ Registr. VIII, 24 ad Sabinian. episcop.

² Ibid. V, 58 (53) ad Virgil. episcop.

³ Ibid. V, 37 (20) ad Mauric. Aug.

⁴ Ibid. III, 61 (65) ad Mauric. Aug.

⁵ Registr. V, 41 (43).

⁶ Ibid. V, 37 (20).

⁷ Ibid. V, 6 (IV, 47).

⁸ Ioann. X, 10.

runt quidem vitam, eamque affluentem. Nam, quum ab Ecclesia non alia possit nisi supernaturalis vita procedere, haec vitales etiam naturalis ordinis vires in se includit ipsa fovetque. *Si radix sancta, et rami*, sic Paulus ethnicae genti; . . . *tu autem cum oleaster esses, insertus es in illis et socius radicis et pinguedinis olivae factus es.*¹

At nostra aetas, etsi tanta christianae humanitatis luce fruatur, ut nulla ratione possit cum aevo Gregoriano comparari, videtur tamen eam vitam fastidire, a qua praecipue, saepe unice, quasi a fonte, tot, nedum praeterita, sed etiam praesentia bona sunt repetenda. Nec modo, ut quondam subortis erroribus ac dissidiis, se ipsa detruncat quasi ramum inutilem, sed vel imam arboris radicem petit, id est Ecclesiam, conaturque vitalem exsiccare succum, quo certius illa corruat nullum in posterum emissura germen.

Hodiernus hic error idemque maximus, unde ceteri fluunt causa est cur tantam aeternae hominum salutis iacturam ac tam multa religionis detrimenta doleamus, plura etiam, nisi medica adhibeatur manus, impendentia extimescentes. Negant enim quidquam esse supra naturam; esse Deum rerum conditorem, cuius providentia cuncta regantur; fieri posse miracula; quibus de medio sublatis necesse est christianae religionis fundamenta convelli. Impetuntur ipsa argumenta, quibus Deum esse demonstratur, atque incredibili temeritate, contra prima rationis iudicia, repudiatur invicta illa argumentandi vis, qua ex effectibus causa colligitur, id est Deus eiusque attributa, nullis circumscripta limitibus. *Invisibilia enim ipsius a creatura mundi, per ea quae facta sunt, intellecta conspiciuntur; sempiterna quoque eius virtus, et divinitas.*² Facilis inde aditus patet ad alia errorum portenta rectae rationi repugnantia aequae ac bonis moribus pernicioiosa.

Enimvero gratuita supernaturalis principii negatio, quae propria est *falsi nominis scientiae*,³ fit postulatam critices historicae pariter falsae. Quae ordinem rerum supra naturam ratione quavis attingunt, sive quod illam constituent, sive quod cum illo coniuncta, sive quod ipsum praesumant sive denique quod nisi per ipsum explicari multa non queant, ea omnia, nulla investigatione instituta historiae paginis eraduntur. Eiusmodi sunt Iesu Christi divinitas, mortalis ab eodem assumpta caro Sancti Spiritus operâ, sua Ipse virtute a mortuis excitatus, omnia denique fidei nostrae cetera capita. Qua falsa semel inita via, nulla iam lege critica scientia cohibetur, suoque Marte quidquid non arridet aut rei suae demonstrandae adversari putatur, id omne sacris libris adimitur. Sublato enim supernaturali ordine, longe alio fundamento exstrui necesse est historiam

de Ecclesiae originibus, ideoque suo lubitu novarum rerum molitores monumenta versant, ea non ad sensum auctorum, sed ad suam ipsorum voluntatem trahentes.

Magno istorum doctrinae apparatu et argumentorum speciosa vi multi sic decipiuntur, ut, vel a fide desciscant, vel in ea valde infirmantur. Sunt etiam qui, sua in fide constantes, critices disciplinae, quasi demolienti, succensent, quae quidem ipsa per se culpa vacat, legitimeque adhibita conducit ad investigandum felicissime. Neutri tamen animus advertunt ad ea quae perperam ponunt ac praesumunt, hoc est ad falsi nominis scientiam, a qua profecti, necessario ad falsa concludenda ducuntur. Falso nempe philosophiae principio corrumpi omnia necesse est. Hi autem errores satis refelli poterunt nunquam, nisi acie mutata, hoc est, deductis errantibus a suae critices praesidiis, ubi se munitos existimant, ad legitimum philosophiae campum, quo relicto, errores hauserunt.

Taedet interim ad subtili mente viros eosdemque solertes Pauli verba convertere, increpantis illos, qui a terrenis hisce ad ea quae oculorum aciem fugiunt non assurgerent: *Evanuerunt in cogitationibus suis et obscuratum est insipiens cor eorum; dicentes enim se esse sapientes, stulti facti sunt.*¹ Stultus enim omnino dicendus quicumque vires mentis insumit ut fabricet in arena.

Nec minus dolendae ruinae quae moribus hominum vitaeque societatis civilis ex ea negatione proveniunt. Etenim, opinione sublata, praeter ad spectabilem hanc rerum naturam esse divinum aliquid, nihil plane superest, quo excitatae cupiditates vel turpissimae coerceantur, quibus mancipati animi ad pessima quaeque rapiuntur. Itaque tradidit illos Deus in desideria cordis eorum, in immunditiam; ut contumeliis afficiant corpora sua in semetipsis.² Ac vos quidem, Venerabiles Fratres, minime latet, quam undique perditorum morum exundet lues, cui continendae impar erit civilis potestas, nisi ad altioris, quem diximus, ordinis praesidia confugiat. Sed neque ad sanandos ceteros morbos humana quidquam valebit auctoritas, si memoria excidat aut negetur omnem potestatem a Deo esse. Tunc enim, unico freno, vi cuncta gerentur, quae vis neque adhibetur constanter nec in manu semper est; quo fit ut populus occulto quasi morbo laboret, omnia fastidiat, ius praedicet arbitrio suo agendi, seditiones conflit, reipublicae conversiones interdum turbulentissimas paret, divina omnia et humana iura permisceat. Amoto Deo, nulla civitatis legibus, nulla vel necessariis institutis constat reverentia, iustitia contemnitur, ipsa opprimitur quae iuris est naturalis libertas; eo usque devenitur, ut domesticae societatis compages, civilis coniunctionis primum fundamentum atque firmissimum, dissolvatur. Quo fit ut, infensis hisce Christo

¹ *Ad Rom.* XI. 16, 17.

² *Ad Rom.* I. 20.

³ *1 Tim.* VI. 20.

¹ *Ad Rom.* I. 21, 22.

² *Ibid.* I. 24.

temporibus, difficilior aptentur efficacia remedia, quae ad populos in officio continendos Ecclesiae suae ipse comparavit.

Non aliunde tamen quam in Christo salus: *Nec enim aliud nomen est sub caelo datum hominibus, in quo oporteat nos salvos fieri.*¹ Ad Ipsum ergo redire necesse est, eius advolvi pedibus, ex ore illo divino verba vitae aeternae haurire; solus quippe potest instaurandae salutis indicare viam, solus vera docere, solus ad vitam revocare, qui de se dixit: *Ego sum via et veritas et vita.*² Tentata denuo est mortalium gestio rerum seorsim a Christo; aedificari coepit reprobato angulari lapide, quod Petrus iis exprobrabat, qui Iesum cruci affixerant. Ecce autem rursus exstructa moles ruit aedificantium cervices infringens. Iesus interim superest, humanae societatis angularis lapis, iterum comprobata sententia, non esse nisi in ipso salutem: *Hic est lapis qui reprobatus est a vobis aedificantibus, qui factus est in caput anguli, et non est in alio aliquo salus.*³

Ex his facile intelligetis, Venerabiles Fratres, quanta unumquemque nostrum urgeat necessitas, animi vi qua possumus maxima quibusque pollemus opibus, huiusmodi supernaturalem vitam in omni ordine humanae societatis excitandi, ab infimae sortis opifice, cui panis apponitur diuturno sudore comparatus, ad arbitros terrarum potentes. In primisque privata prece ac publica exoranda Dei misericordia, ut potenti auxilio suo adsit, qua voce olim tempestate iactati clamabant Apostoli: *Domine, salva nos, perimus.*⁴

Quamquam nec ista satis. Gregorius enim vitio tribuit episcopo, quod, sacri amore secessus et orandi studio, in aciem non prodeat, pro Domini causa strenue dimicaturus, inquit: *Vacuum episcopi nomen tenet.*⁵ Ac iure quidem; lux enim est afferenda mentibus iugi praedicatione veritatis et valida refutatione pravarum opinionum per veram solidamque philosophiae ac theologiae scientiam et per auxilia omnia, quae ex genuino historicae investigationis incremento provenerunt. Oportet insuper omnibus apte inculcentur tradita a Christo morum documenta, ut discant sui imperium exercere, motus animi appetentes regere, tumentem superbiam deprimere, parere auctoritati, iustitiam colere, omnes caritate complecti, disparis in civili convictu fortunae acerbiter christianam dilectione temperare, a terrenis bonis avocare mentem, quam Providentia dederit sortem eam esse contentos, suisque tuendis officiis benigniorem efficere, ad futuram vitam contendere spe sempiternae mercedis. Illud autem praecipue curandum, ut haec se insi-

nuerent animisque penitus insideant, quo vera et solida pietas altiores radices agat, sua quisque et hominis et christiani officia, non ore tenus, sed re profiteatur, et fiduciam filii ad Ecclesiam confugiat ad eiusque ministros, quorum ministerio impetrent admissorum veniam, Sacramentorum gratiam roborentur, vitam ad christianae legis praecepta componant.

Sacri muneris praecipuas has partes comitetur oportet Christi caritas, cuius instinctu nemo sit quem iacentem non erigamus, quem lugentem non consolemur, necessitas nulla cui non occurramus. Huiusmodi nos caritati totos devoveamus, huic res nostrae cedant omnes, huic propriae utilitates posthabeantur et commoda, ut *omnibus omnia facti*,¹ salutem omnium quaeramus vel ipso vitae pretio, ad Christi exemplum ab Ecclesiae pastoribus id postulantibus: *Bonus pastor animam suam dat pro ovibus suis.*² Insignibus his documentis referta sunt quae Gregorius scripta reliquit, multiplex exemplo vitae admirandae multo expressa potentius.

Quia vero ista, quum e principiorum christianae revelationis natura, tum ex intimis nostri apostolatus proprietatibus necessario fluunt, iam videtis, Venerabiles Fratres, quanto in errore versentur qui existimant bene se de Ecclesia mereri ac frugiferam operam in aeternam hominum salutem conferre, si profana quadam prudentia, falsi nominis scientiae multa largiantur, vana spe ducti, posse ita facilius errantium sibi gratiam conciliare, re autem vera ipsi se perditionis periculo committentes. Sed veritas una est nec dividi potest; eadem aeterna perdurat, nullis obnoxia temporibus: *Iesus Christus heri, et hodie: ipse et in saecula.*³

Illi etiam valde falluntur qui in collocandis publice beneficiis, praesertim popularium causam agentes, quae ad corporis victum cultumque pertinent ea maxime curant, animorum salutem et christianae professionis officia gravissima silentio praetereunt. Nec eos pudet interdum summa quaedam evangelii praecepta quasi velis obtegere, veriti ne forte minus audiantur aut prorsus deserantur. Alienum quidem a prudentia non erit, etiam in proponenda veritate, sensim procedere, ubi res agatur cum iis, qui a nostris institutis abhorrent a Deoque sunt omnino seiuncti. *Resecanda vulnera*, ita Gregorius, *leni prius manu palpanda sunt.*² Verum haec ipsa industria speciem prudentiae carnis assumet, si ad agendi normam assurgat constantem atque communem; eoque magis quod per eam divina gratia parvi haberi videatur, quae non sacerdotio tantum conceditur eiusque ministris, sed Christi fidelibus omnibus, ut ipsorum animos dicta nostra et facta percellant. Fuit

¹ Act. IV, 12.

² Ioann. XIV, 6.

³ Act. IV, 11. 12.

⁴ Matth. VIII, 25.

⁵ Registr. VI, 63 (30). Cfr. Regul. past. I, 5.

¹ 1 Cor. IX, 22.

² Ioann. X, 11.

³ Ad Hebr. XIII, 8.

⁴ Registr. V, 44 (18) ad Ioannem episcop.

autem eiusmodi prudentia ignota Gregorio, quum in praedicatione evangelii, tum in ceteris ab eo mire gestis ad proximos relevandos miseris. Is Apostolorum vestigia constanter est persecutus, quorum, cum primum peragrandum terrarum orbem susceperunt nuntiaturi Christum, fuit ista vox: *Praedicamus Christum crucifixum, Iudaeis quidem scandalum, gentibus autem stultitiam.*¹ Atqui si tempus ullum extitit, quo humanae praesidia prudentiae maxime opportuna viderentur, illud profecto fuit, quum ad excipiendam tam novam doctrinam, communibus cupiditatibus tam repugnantem, tam oppositam graecorum et romanorum florentissimae humanitati, nulla esset animorum praeparatio. Nihilominus id genus prudentiam Apostoli a se alienam duxerunt, quibus divina erant comperta decreta: *Placuit Deo per stultitiam praedicationis salvos facere credentes.*² Ea stultitia quemadmodum semper, sic adhuc iis . . . qui salvi fiunt, id est nobis, Dei virtus est.³ In scandalo crucis, uti antea, sic in posterum arma suppetent omnium potentissima; ut olim, sic deinceps nobis erit in eo signo victoria.

Haec tamen arma, Venerabiles Fratres, vim exuent omnem nec erunt profutura quidquam, si tractentur ab iis, qui interiorem vitam cum Christo non agant, qui non sint vera firmâque pietate instituti, qui Dei gloriae eiusque regni amplificandi studio non flagrent. Quae omnia Gregorius adeo esse necessaria putabat, ut maximam curam impenderet in episcopos et sacerdotes creandos, qui divini honoris hominumque verae salutis magno desiderio tenerentur. Idque sibi proposuit in libro, qui *Regula pastoralis* inscribitur, ubi, ad cleri salubrem institutionem et ad sacrorum antistitum regimen normae traduntur, non iis modo temporibus sed etiam nostris aptissimae. Idem prout eius enarrator vitae describit, *velut Argus quidam luminosissimus per totius mundi latitudinem suae pastoralis sollicitudinis oculos*⁴ circumferebat, ut si quid in clero vitii aut negligentiae deprehenderet, in id statim animadverteret. Quin etiam vel ipsa periculi cogitatio, ne forte illuvies et corruptelae in mores clericorum irreperent, trepido metu eum afficiebat. Si quid vero contra Ecclesiae disciplinam actum comperisset, ea re vehementerangebatur, nec ullo poterat pacto quiescere. Tunc cerneret admonere, corrigere, canonicas poenas minitari violatoribus, has interdum ipsemet irrogare, indignos, nulla interiecta mora, nulla rerum hominumve habita ratione, ab officio identidem prohibere.

Multa praeterea monebat, quae his verbis inscriptis eius frequenter expressa leguntur: *Qua mente apud Deum*

*intercessionis locum pro populo arripit, qui familiarem se eius gratiae esse per vitae meritum nescit?*¹ — *Si ergo in eius opere passiones vivunt, qua praesumptione percussum mederi properat, qui in facie vulnus portat?*² — *Quinam poterunt in Christi fidelibus exspectari fructus, si veritatis praecones quod verbis praedicant, moribus impugnant?*³ — *Profecto diluere aliena delicta non valet is quem propria devastant.*⁴

Veri sacerdotis exemplar huiusmodi censet, atque ita describit: *Qui cunctis carnis passionibus moriens iam spiritualiter vivit; qui prospera mundi postposuit; qui nulla adversa pertimescit, qui sola interna desiderat; . . . qui ad aliena cupienda non ducitur, sed propria largitur; qui per pietatis viscera citius ad ignoscendum flectitur, sed nunquam plus quam deceat ignoscens, ab arce rectitudinis inclinatur; qui nulla illicita perpetrat, sed perpetrata ab aliis ut propria deplorat; qui ex affectu cordis alienae infirmitati compatitur; sicque in bonis proximi sicut in suis profectionibus laetatur; qui ita se imitabilem caeteris in cunctis quae agit insinuat, ut inter eos non habeat quod saltem de transactis erubescat; qui sic studet vivere ut proximorum quoque corda arentia doctrinae valeat fluentis irrigare; qui orationis usu et experimento iam didicit, quod obtinere a Domino quae poposcerit possit.*⁵

Quam serio igitur, Venerabiles Fratres, episcopo secum et coram Deo est reputandum, antequam novis levitis manus imponat! *Neque gratia alicuius, inquit Gregorius, neque supplicatione, aliquos ad sacros ordines audeat promovere nisi eum, quem vitae et actionis qualitas ad hoc dignum esse monstraverit.*⁶ Quanta eidem opus est maturitate consilii, antequam recens inunctis sacerdotibus apostolatus munia committat! Qui, nisi iusto fuerint experimento probati sub vigili custodia prudentiorum sacerdotum, nisi habeant unde plane constet de honeste acta vita, de prono in pietatem ingenio, de animo ad obediendum parato iis omnibus quae vel Ecclesiae consuetudo induxerint vel diuturna experientia comprobarit vel quos *Spiritus Sanctus posuit episcopos regere ecclesiam Dei*⁷ ipsi praeceperint, sacerdotio fungentur, non in plebis christianae salutem, sed in perniciem. Nam et iurgia serent, et plus minus latentes cieunt rebelliones, triste sane spectaculum populo exhibentes quasi discrepantium in coetu nostro voluntatum, quum deploranda haec paucorum superbiae et centumaciae sint adscribenda. Procul, oh procul ab omni officio sunt excitatores discordiarum; nec enim his apo-

¹ 1 Cor. I, 23.

² Ibid. I, 21.

³ Ibid. I, 18.

⁴ Ioan. Diac. lib. II, c. 55.

¹ Reg. past. I, 10.

² Reg. Past. I, 9.

³ Ibid. I, 2.

⁴ Ibid. I, 11.

⁵ Ibid. I, 10.

⁶ Registr. V, 63 (58) ad universos episcopos per Hellad.

⁷ Act. XX, 28.

stolis eget Ecclesia, neque hi pro Christo cruci adfixo apostolatatum gerunt, sed ipsi sibi apostoli sunt.

Adhuc ante oculos versari nostros imago Gregorii videtur, in Lateranensi pontificio Consilio coactorum undique antistitum corona septi, adstante clero Urbis universo. Quam fecunda ex eius ore fluit adhortatio de officiis clericorum! Quanto ardoris aestu consumitur! Illius oratio, instar fulminis, pravos homines percellit; sunt eius verba quasi totidem flagella, quae excutiuntur inertes; divini amoris flammae sunt, quibus vel ferventissimi animi suaviter corripuntur. Perlegite, Venerabiles Fratres, et clero vestro legendam, considerandam, in sacro potissimum annuo recessu proponite admirabilem istam sancti pontificis homiliam.¹

Idem, non sine animi magna tristitia, haec inter cetera queritur: *Ecce mundus, sacerdotibus plenus est, sed tamen in messe Dei rarus valde invenitur operator; quia officium quidem sacerdotale suscepimus, sed opus officii non implemus.*² Ac vere quidem, quantum hodie virium Ecclesia colligeret, si operatores tot numeraret, quot sacerdotes? Quam uberes fructus ex divina Ecclesiae vita hominibus provenirent, si eidem explicandae vacarent singuli? Huiusmodi in agendo alacritatem naviter excitavit Gregorius, dum vixit, suoque impulsu effecit ut posterioribus temporibus eadem vigeret. Quare, quae media intercessit, aetas, Gregoriana quasi nota distinguitur, quod ei pontifici accepta omnia fere essent referenda. sive regulae cleri regendi, sive caritatis et beneficentiae publice exercendae multiplex ratio, sive perfectioris sanctimoniae magisterium et vitae religiosae instituta, sive denique ceremoniarum et sacri ordinatio contentus.

Verum longe alia temporum ratio successit. Quod saepe diximus, in vita Ecclesiae immutatum est nihil. Ipsa enim haereditate acceptam a divino Institute eiusmodi vim possidet, qua aetatibus omnibus, quamvis inter se dissimilimis, valeat, non animis tantum, quod sui muneris est, providere, sed plurimum etiam ad verae humanitatis incrementa conferre, quod quidem ex ipsa ministerii sui natura consequitur.

Nec sane fieri potest ut quae revelata divinitus Ecclesiae custodienda commissa sunt, eadem quidquid verum, bonum, pulchrum in terrestri rerum natura conspicitur, non maxime provehant, eoque efficacius, quo magis haec ad summum totius veritatis, bonitatis, pulchritudinis principium, Deum, referantur.

Magnus ex divina doctrina humanae scientiae provenit, sive quod per illam latior patefiat campus novis rebus etiam naturalis ordinis expedite cognoscendis, sive quod per eandem rectum investigationi sternatur iter, erroresque

circa disciplinae rationem viamque eam adipiscendi amoveantur. Sic in portu emicans ignis e turri, dum nocturno itinere navigantibus multa pandit, quae tenebris involuta laterent, simul de vitandis scopulis admonet, ad quos allisa navis naufragium pateretur.

Quae autem de moribus disciplinae sunt, quandoquidem Servator Dominus supremum nobis perfectionis exemplar divinam ipsam bonitatem proponat, Patrem suum,¹ eccui non patet, quanta inde incitamenta illis addantur, ut insculpta in omnium animis naturae lex altius et perfectius retineatur, adeoque tum singuli, tum domestica societas, tum denique hominum universa communitas prosperiore vita fruatur? Fuit ista profecto vis quae barbaros homines ex ferocitate ad humanitatem transtulit, mulieres proiectam dignitatem vindicavit, servitutis iugum excussit, ordinem, remissis cum aequitate vinculis quibus variae civium conditiones invicem continentur, instauravit, iura restituit, veram animi libertatem promulgavit, domesticae ac publicae tranquillitati tuto prospexit.

Denique artes ad aeternum exemplar omnis pulchritudinis, Deum, assurgentes, unde species et formae singulae, quae sunt in rerum natura, dimanant, facilius a vulgari sensu recedunt, conceptamque animo rem, in quo artis vita consistit, exprimunt multo potentius. Ac vix quidem dici potest quantum attulerit boni ratio adhibendarum artium in famulatum religionis, quo Numini offertur quidquid ipso dignius ubertate et copia, venustate atque elegantia formae praeseferant. Hinc artis origo sacrae, quo fundamento nixa est profana quaevis ars, et nititur adhuc. Rem nuperrime attigimus peculiari *Motu proprio*, de romano cantu ad maiorum instituta revocando, ac de sacris concentibus. Atqui ceterae artes, pro sua quaeque materia, iisdem legibus continentur, ita ut, quae dicuntur de cantu, eadem et pingendi et sculpendi et exstruendi artibus conveniant, quas humani ingenii nobilissimas facies Ecclesia semper excitavit et aluit. Hac specie sublimi universum hominum genus enutritum templorum erigit moles, ubi, in domo Dei, tamquam in propria sede, inter artium omnium splendidissimam copiam, inter augustas ceremonias, inter suavissimos concentus, mentes ad caelestia revocantur.

Haec, uti diximus, beneficia potuit aetati suae ac posterioribus afferre Gregorius. Eadem, his quoque temporibus, qua fundamenti soliditate consistimus et quibus mediis instructi sumus, consequi licebit, si quae adhuc bona, Dei gratia supersunt, omni studio retineantur, quae vero instituta a recto tramite deflexerint *instaurentur in Christo.*²

¹ Hom. in Evang. 1, 17.

² Ibid., n. 3.

¹ Matth. V, 48.

² Ad Ephes. I, 10.

Placet Nostris hisce Litteris finem imponere iisdem verbis quibus ipse Gregorius memorabilem illam in Lateranensi pontificio Consilio habitam orationem absolvit: *Haec, Fratres, vobiscum sollicitè cogitate, haec et proximis vestris impendite; omnipotenti Deo fructum vos reddere de negotio quod accepistis parate. Sed ista quae dicimus melius apud vos orando quam loquendo obtinebimus. Oremus: Deus, qui nos pastores in populo vocare voluisti, praesta quaesumus, ut hoc quod humano ore dicimur, in tuis oculis esse valeamus.*³

³ Hom. cit., n. 18.

Dum vero confidimus, deprecatore pontifice sancto Gregorio, Deum supplicibus his votis benignas aures admoturum, caelestium donorum auspicem ac paternae Nostrae benevolentiae testem, Apostolicam Benedictionem vobis omnibus, Venerabiles Fratres, clero ac populo vestro peramanter impertimus.

Datum Romae apud S. Petrum IV Idus Martias an. MCMIV, die festo S. Gregorii I Papae et Ecclesiae Doctoris, pontificatus Nostri anno primo.

Pius PP. X.

29.

Litterae apostolicae Pii PP. X. de academicis in sacra scriptura gradibus a Commissione biblica conferendis.

PIUS PP. X.

Ad perpetuam rei memoriam.

Scripturae sanctae magis magisque in Clero promovere studium, conscientia Nos Apostolici officii in primis admonet hoc tempore, quum eum maxime divinae revelationis fideique fontem videmus ab intemperantia humanae rationis passim in discrimen adduci. Id ipsum quum intelligeret Noster fel. rec. decessor Leo XIII, non satis habuit dedisse anno MDCCCXCIII proprias de re biblica encyclicas litteras *Providentissimus Deus*; nam paucis ante exitum mensibus, editis Apostolicis litteris *Vigilantiae*, peculiare instituit ex aliquot S. R. E. Cardinalibus pluribusque aliis doctis viris urbanum Consilium, quod, praelucente doctrina et traditione Ecclesiae, etiam progredientis eruditionis praesidia conferret ad legitimam exegesis biblicam, et simul catholicis praesto esset, tum ad adiuvanda ac dirigenda eorum in hoc genere studia, tum ad controversias, si quae inter ipsos extitissent, dirimendas.

Nos quidem, ut par est, praeclarum istud pontificalis providentiae monumentum a Decessore relictum, Nostris quoque curis et auctoritate complectimur. Quin etiam iam nunc, eiusdem Consilii seu *Commissionis* navitate confisi, ipsius operam in negotio, quod magni censemus esse momenti ad Scripturarum provehendum cultum, adhibere constituimus. Siquidem hoc volumus, certam suppeditare rationem, unde bona paretur copia magistrorum, qui gravitate et sinceritate doctrinae commendati, in scholis catholicis di-

vinos interpretentur Libros. Huius rei gratiâ percommodum profecto esset, quod etiam in votis Leonis fuisse novimus, proprium quoddam in Urbe Roma condere Athenaeum, altioribus magisteriis omnique instrumento eruditionis biblicae ornatum, quo delecti undique adolescentes convenirent, scientia divinorum eloquiorum singulares evasuri. At quoniam eius perficiendae rei deest in praesens Nobis, non secus ac Decessori, facultas, quae quidem fore ut aliquando ex catholicorum liberalitate suppetat, spem bonam certamque habemus, interea quantum ratio temporum sinit, id. harum tenore litterarum, exsequi et efficere decrevimus.

Itaque, quod bonum salutareque sit, reique catholicae benevertat, Apostolica auctoritate Nostra, Academicos Prolytae et Doctoris in Sacrae Scripturae disciplina gradus instituimus, a *Commissione* Biblica conferendos ad eas leges, quae infra scriptae sunt.

I. Nemo ad Academicos in sacra Scriptura gradus assumatur, qui non sit ex alterutro ordine Cleri sacerdos; ac praeterea nisi Doctoratus in sacra Theologia lauream, eamque in aliqua studiorum Universitate aut Athenaeo a Sede Apostolica adprobato, sit adeptus.

II. Candidati ad gradum vel prolytae vel doctoris in sacra Scriptura, periculum doctrinae tum verbo tum scripto subeant: quibus autem de rebus id periculum faciendum fuerit, *Commissio* Biblica praestituet.

III. *Commissionis* erit, explorandae candidatorum scientiae dare iudices: qui minimum quinque sint, iique ex consultorum numero. Liceat tamen *Commissioni* id

iudicium, pro prolytatu tantummodo, aliis idoneis viris aliquando delegare.

IV. Qui prolytatum in sacra Scriptura petet, admitti ad periculum faciendum, statim ab accepta sacrae Theologiae laurea, poterit; qui vero doctoratum, admitti non poterit, nisi elapso post habitum prolytatum anno.

V. De doctrina examinanda candidati ad lauream in sacra Scriptura, hoc nominatim cautum sit, ut candidatus certam thesim, quam ipse delegerit et *Commissio* Biblica probaverit, scribendo explicet, eamque postea in legitimo conventu Romae habendo recitatam ab impugnationibus censorum defendat.

Haec volumus, edicimus et statuimus, contrariis quibusvis non obstantibus. — Restat, ut Venerabiles Fra-

tres Episcopi ceterique sacrorum Antistites in suae quisque dioecesis utilitatem ex hisce statutis Nostris eum fructum quaerant, quem inde Nobis uberem pollicemur. Ideo, quos in suo Clero viderint singularibus Biblicorum studiis natos aptosque, ad promerenda etiam huius disciplinae insignia hortentur et adiuvent: insignitos porro habeant potiores, quibus in sacro seminario Scripturarum magisterium committant.

Datum Romae apud S. Petrum sub annulo Piscatoris die XXIII Februarii festo S. Petri Damiani, an. MCMIV, Pontificatus nostri anno primo.

Alois. Card. Macchi.

30.

Pius X. über das Radfahren.

Aus einem Rundschreiben des Bischofs Sarto an den Klerus der Diözese Mantua aus dem Jahre 1893 sei folgende Stelle mitgeteilt, die sich gegen das Velozipedfahren der Geistlichen richtet:

„Zum Schlusse noch etwas über den Ernst und die priesterliche Würde. Da sich in diesen Tagen bei den Laien der Gebrauch des Velozipeds oder Zweirads eingebürgert hat, und zwar in solchem Maße, daß man glauben möchte, sie könnten nicht ohne ein solches Ding leben, und weil es den Anschein hat, als ob diese Neuheit auch bei den Angehörigen des Klerus Anklang fände, so verordne ich, daß sich die Geistlichen dieser Diözese derselben ganz zu enthalten haben. Die Seminariker haben gehört, wie ich über die Sache denke, und ich bitte die ehrwürdigen Pfarrer, mich zu benachrichtigen, wenn ein Kleriker meinen direkten Befehlen während der Vakanz zuwiderhandeln sollte. Das, was ich den Klerikern untersagt habe, muß ich natürlich in erhöhtem Maße den Priestern verbieten; denn nach meinem Urteil gibt es nichts, was die Würde des Geistlichen mehr beeinträchtigt, als ihn rittlings auf einer derartigen Maschine sitzen zu sehen, eine Sache die nicht im Einklang steht mit dem Ernste, den sein Beruf erfordert. Alles das in der Tat, was sich den Gewohnheiten der Laienpersonen nähert, bezichtigt den Priester der Eitelkeit und Leichtfertigkeit in den Augen der Welt; wohl sind den Leuten die ehrenhaftesten Geistlichen gut bekannt,

schon an ihrem äußeren Gebahren. Ich weiß wohl, daß sich selbst unter dem Klerus lebhafteste Verfechter des Velozipeds oder Zweirads befinden, welche die Sache als durchaus zweckmäßig darstellen; aber indem ich die Meinung aller achte, verbiete ich den Gebrauch allen Geistlichen meiner Diözese. Jemand jemand wird sagen, daß das Kleinigkeiten sind, mit denen man sich nicht beschäftigen sollte; ihnen indessen ist es nicht anheimgegeben, über das Wohl der Kirche zu beschließen; es ist dies Sache der Bischöfe, von denen die Kirche mit Hilfe des Heiligen Geistes regiert wird. Man wird auch sagen, Rom hat bereits gesprochen, deshalb ist die Angelegenheit erledigt; aber bis der heilige Vater nicht direkt oder durch seine Kongregationen das Gegenteil anordnet, bleibt mein Verbot bestehen. Wieder andere werden schließlich nicht ermangeln, die Vorteile der Zeitgewinnung hervorzuheben, die Schnelligkeit zu erwähnen, mit der Kranken zu Hilfe oder in die Schule geeilt werden kann, und die Ersparnis in Betracht zu ziehen bei der Armut des Klerus; es sind dies alles schöne Dinge, aber sie müssen weichen vor der Würde und Hoheit die dem Priester eigen sein soll.“

Da unterdessen auch Rom durch die Congregatio Episcoporum et Regularium im obigen Sinne gesprochen hat (vergl. „Kirchliches Verordnungs-Blatt“, 1895, III, 3, S. 3), so hat der hochwürdige Klerus sich darnach zu richten.

31.

Bekanntgabe der Konservatoren für das Jahr 1904.

Die hochlöbliche k. k. Zentralkommission für Kunst- und historische Denkmale hat das Verzeichnis der zu Beginn des laufenden Jahres aktiven Konservatoren des Kronlandes Steiermark anher übermittelt, welches nachstehend der hochwürdigen Seelsorgegeistlichkeit zur Kenntnis gebracht wird:

F. B. geistlicher Rat Johann Graus, Westpriester, Ehrendoktor der Wiener theologischen Fakultät, Dozent am F. B. Diözesanseminar in Graz (II für die Bezirkshauptmannschaften Deutsch-Landsberg, Graz, Leibniz, Voitsberg und die Stadt Graz) seit 1872, wiederbestätigt 13. Dezember 1899, Z. 33.422.

Baurat August Gunolt, Fachvorstand und Direktor an der Staatsgewerbeschule in Graz (II für die Bezirkshauptmannschaften Bruck a. M., Feldbach, Hartberg, Mürzzuschlag und Weiz) seit 1894, wiederbestätigt 13. Dezember 1899, Z. 33.422.

Dr. Wilhelm Gurlitt, Universitätsprofessor in Graz (I für die Bezirkshauptmannschaften Bruck a. M., Deutsch-Landsberg, Feldbach, Graz, Gröbming, Hartberg, Judenburg, Leibniz, Leoben, Liezen, Luttenberg, Marburg, Murau, Mürzzuschlag, Pettau, Radkersburg, Voitsberg, und Weiz sowie für die Städte Graz, Marburg und Pettau) seit 1883, wiederbestätigt 7. Juli 1899, Z. 18.346.

Karl Lacher, Direktor des kulturhistorischen und kunstgewerblichen Museums in Graz (II für die Bezirkshauptmannschaften Gröbming, Judenburg, Leoben, Liezen und

Murau) seit 1894, wiederbestätigt 13. Dezember 1899, Z. 33.422.

Professor Dr. Arnold Luschn Ritter von Bengreuth, Ritter des Ordens der eisernen Krone, o. ö. Universitätsprofessor in Graz (II für die Bezirkshauptmannschaften Luttenberg, Marburg, Pettau und Radkersburg sowie für die Städte Marburg und Pettau) seit 1875, wiederbestätigt 13. Dezember 1899, Z. 33.422.

Emanuel Riedl, Bergat i. R., Cilli (I für die Bezirkshauptmannschaften Cilli, Gonobitz, Rann, Windischgraz und die Stadt Cilli) seit 1894, wiederbestätigt 7. Juli 1899, Z. 18.346.

Johann Wist, Professor an der technischen Hochschule in Graz (II für die Bezirkshauptmannschaften Cilli, Gonobitz, Rann, Windischgraz und die Stadt Cilli) seit 1898, wiederbestätigt am 26. Mai 1903, Z. 10.096.

Reg.-Rat Dr. Josef von Zahn, Landesarchivar in Graz (III für das Kronland) seit 1875, wiederbestätigt 23. März 1900, Z. 33.27.

Dieses Verzeichnis wird den hochwürdigen Herren Seelsorgern mit dem Beifügen bekannt gegeben, daß sie eingreifende Aenderungen an kirchlichen Gebäuden erst nach vorhergehender Einholung des Gutachtens des zur Intervention berufenen Konservators, beziehungsweise der hochlöblichen k. k. Zentralkommission für Kunst- und historische Denkmale vornehmen lassen und die Anträge des Konservators genau beachten.

32.

In Versicherungs-Angelegenheiten.

Wiederholt vorgekommene Brände kirchlicher Objekte haben gezeigt, daß zumeist die Feuer-Versicherungen in nicht zureichender Höhe abgeschlossen werden und in Folge dessen die Pfarrrgemeinden selbst für den nicht gedeckten Schaden aufzukommen haben, was meistens Schwierigkeiten verursacht. Es empfiehlt sich daher dringend annähernd den wahren Wert der Objekte zu versichern.

Unter Hinweis auf die hieramtlichen Verfügungen vom 8. März 1865 (Z. 572 R.-B.-Bl. Nr. 1), vom 18. Mai 1867 (Z. 1272 R.-B.-Bl. Nr. 5), vom 31. Dezember 1901

(R.-B.-Bl. Nr. 14) und endlich vom 10. Jänner 1902 (R.-B.-Bl. Nr. 1) wird dem wohllehrwürdigen Seelsorge-Klerus nach wie vor die „Riunione Adriatica di Sicurtà“ als für diesen Zweck am besten geeignet empfohlen.

Genannte Anstalt versichert auch die Glocken gegen Bruch und Sprung, sowie die kirchlichen Geräte, Paramente u. gegen Einbruch-Diebstahl. Bei den verhältnismäßig geringen Kosten empfiehlt es sich auch diese Versicherungen nach Möglichkeit einzugehen.

Die Bestrebungen des Tierschutzvereines werden zur Förderung empfohlen.

Der Wiener Tierschutzverein hat sich in Ausführung des Beschlusses der Verbandsversammlung österreichischer Tierschutzvereine anher mit der Bitte gewendet, die Bestrebungen des Tierschutzvereines der Diözesangeistlichkeit zur möglichsten Förderung in ihrem Wirkungskreise zu empfehlen. Nachdem diese Bestrebungen sich vielfach mit jenen Pflichten decken,

welche auch die christliche Moral uns in Bezug auf die Tiere auferlegt, nimmt das F. B. Ordinariat keinen Anstand, in dieser Richtung dem Ansuchen zu willfahren. Der vernünftige und der christlichen Moral entsprechende Schutz der Tiere trägt auch zur sittlichen Verebelung der Menschen bei.

Literatur.

Im ersten Quartale dieses Jahres sind in der Diöcese Lavant nachstehende beachtenswerte Bücher beziehungsweise Druckschriften erschienen:

1. Sveti Pavel, apostol sveta in načitelj narodov. Njegovo življenje in delovanje opisal ter priredil okrožnico „Providentissimus Deus“ in apostolsko pismo „Vigilantiae“ o svetem Pismu poslovenil Dr. Mihael Napotnik, knez in škof Lavantinski. Tretja popravljena in pomnožena izdava. V Mariboru, 1904. V lastni založbi. — Natisnila tiskarna sv. Cirila. Das Buch zählt 312 Seiten, ist mit fünf gut ausgeführten Bildern geschmückt und kostet drei Kronen. Die Bestellung erfolgt in der F. B. Ordinariatskanzlei in Marburg.

2. Anleitung zur richtigen Verwaltung des Kirchen-, Pfründen- und Pfarrarmeninstitutsvermögens nach den in der Lavanter Diöcese zu Recht bestehenden Gesetzen und Vorschriften. Verfaßt und herausgegeben mit Genehmigung Seiner fürstbischöflichen Gnaden des hochwürdigsten Herrn Dr. Michael Napotnik, Fürstbischöfes von Lavant. Marburg, 1904. Verlag der F. B. Ordinariatskanzlei. — Druck der St. Cyrillus-Buchdruckerei. — Das X + 196 Seiten zählende Buch, die Frucht genauer Sach-

kenntnis und langjähriger Erfahrung, ist für den Seelsorger, der Kirchen-, Pfründen- und Pfarrarmeninstitutsvermögen zu verwalten hat, von großem praktischen Nutzen und nicht zu unterschätzender Bedeutung. Dasselbe ist um den Preis von zwei Kronen aus der F. B. Ordinariatskanzlei zu Marburg zu beziehen.

3. Alphabetisches Inhaltsverzeichnis zu den in den Jahren 1847—1902 in der Lavanter Diöcese erschienenen kirchl. Verordnungsblättern, Pastorkonferenz-Schlupprotokollen und Hirtenbriefen. Marburg, 1904. Verlag der F. B. Ordinariatskanzlei. — St. Cyrillus-Buchdruckerei. — Das Verzeichnis, durch welches einem von vielen Seiten ausgesprochenen Wunsche Rechnung getragen worden ist, umfaßt 48 Seiten und ist gleichfalls in der F. B. Ordinariatskanzlei in Marburg und zwar um eine Krone erhältlich.

4. Marija mati dobrega sveta. Pridige, čitanja pri majnikovih pobožnostih prirejene. Spisal dr. Lavoslav Gregorec, kanonik v Novi cerkvi nad Celjem. Maribor, 1904. Založil prisatelj. Tiskala tiskarna sv. Cirila. Das anmutig geschriebene Betrachtungsbuch zählt 164 Seiten und kann durch die St. Cyrillus-Buchdruckerei um den Preis per 1 K 80 h, (per Post 20 h mehr) bezogen werden.

Stiftung des Herrn Pfarrers Anton Dvorsák für kranke und hilfsbedürftige Priester.

Unter Bezugnahme auf das „Kirchliche Verordnungs-Blatt“ vom 25. März 1902, Nr. V. Absatz 29, beziehungsweise vom 22. November 1893, Nr. VI. Abs. 5, wird hiemit bekannt gegeben, daß aus der Pfarrer Dvorsák'schen Stiftung im vergangenen Jahre 1903 und heuer nachbenannte Priester an Unterstützungen erhalten haben, als:

Herr Jakob Planinšek	K 50.—
„ Josef Pečar, jährlich 50 K zusammen „	100.—
„ Kaspar Zabukošek, Subelpriester und pensionierter Pfarrer in Seizdorf . .	50.—
Zusammen	K 200.—

Diöcesan-Nachrichten.

Ernannt wurden zu Fürstbischöflichen Avarter Geistlichen Räten die Herren: Alois Haubenreich, Expeditor der F. B. Ordinariatskanzlei in Marburg und Franz Hrastelj, Hauptpfarrer und Dechant in Gonobiz.

Investiert wurde Herr Josef Gundör, Pfarrer in Burmberg, auf die Pfarre St. Michael ob Práßberg.

Bestellt wurden: Herr Josef Meško, als Pfarradministrator in St. Nikolaus bei Friedau und Herr Alois Kokelj als Provisor in Burmberg.

Wiederaufgestellt wurde als Kaplan in St. Nikolaus bei Friedau der dortige Spiritualprovisor Herr Franz Bratušek.

Angestellt wurde Herr Karl Belsak als Kaplan in Neukirchen.

überseht wurden die Herren Kapläne: Josef Žekar von Altenmarkt nach Rohitsch und Josef Skvarč von Rohitsch nach Remšnik; Herr Franz Stuhec, Benefiziat und Katechet in Pettau, kam als erster Kaplan nach St. Georgen an der Stainz.

Gestorben ist im Leoninum zu Laibach Herr Johann Ramor, pensionierter Pfarrer von St. Michael ob Práßberg, am 13. März im 65. Lebensjahre.

Unbesetzt sind geblieben das Leeb- und St. Dismas-Benefizium in Pettau und der 1. Kaplanposten in Altenmarkt.

F. B. Avarter Ordinariat zu Marburg,

am 20. April 1904.

† Michael,
Fürstbischof.